

U mjesecu maju na radnom sastanku u nadležnoj općinskoj službi pokrenuli smo postupak ugovaranja zakupa sa jednim od trenutnih korisnika dijela prostora u društvenom domu u Župči („M-Plast“d.o.o. Župča), a na način da isti uplati sredstva za izradu Projekta izvedenog stanja. Ovim bi smo došli u situaciju da se može ići u proceduru izdavanja upotrebnih dozvola za prostorije koje MZ-a neće koristiti u svom javnom poslu.

Za Vašu informaciju trenutno prostorije društvenog doma koriste: „M-Plast“d.o.o. Župča, Dom zdravlja Breza-ambulanta Župča i elektro distribucija Breza-trafo stanica.

Prema našim saznanjima i po primopredaji dužnosti bivšeg i sadašnjeg predsjednika savjeta MZ-e Župča ne postoji nikakav pisani trag o „legalnom“ korištenju prostorija gore navedenih korisnika.

Napominjem da smo kao MZ-a u svim procedurama koje smo provodili ispoštovali bar minimum zakonskih tj. statutarnih pravila.

Izljučena nam je struja u prostorijama MZ-e, i moje izdvojeno mišljenje je da smo kao organ mjesne samouprave „prepušteni sami sebi“.

Obzirom da sam na posljednjoj sjednici savjeta naseljenog mjesta Župča, čiji sam izabrani član, najavio mogućnost prekida angažmana kao predsjednik Savjeta MZ-e Župča, ovim putem obavještavam Općinsko vijeće Breza, da će to uraditi na statutaran i zakonit način.

Kao odgovoran čovjek i javni radnik, smatra da nema smisla raditi u uslovima u kojim sada radim.

Izvinjavam se Predsjedavalućem OV-a Breza i svim vijećnicima što sam na ovakav način „zloupotrijebio“ ovaj odgovor i doda ovo svoje za sada izdvojeno mišljenje na kraju ovog integralnog teksta.

Hvala na razumjevanju.



Predsjednik Savjeta MZ-e Župča
Sabit Begić, mr.sci.